



*Les Anges conduisent Loth, sa femme, & ses filles hors de Sodome, qui peu apres fut abysmée, & sa femme devint statue de sel.*

**L**ES Anges, qu'auoit hebergé Loth, luy dirent : As-tu en cette ville quelque gendre, fils ou fille ? retire-les : car nous destruirons ce lieu, à cause que les pechez des habitans de la ville sont venus iusques aux oreilles de nostre Dieu, qui nous a enuoyez pour la destruire. Loth donc aduertit ses gendres, qui deuoient espouser ses filles, disant ; Videz de ce lieu, car le Seigneur destraira cette Cité ; mais il leur sembla qu'il se rioit. Et quant il fut iour, les Anges hastèrent Loth, disans, Prens ta femme & tes deux filles, afin que tu ne perisses en l'iniquité de la Cité. Les Anges donc prindrent Loth, sa femme & ses filles, & les mirent hors de la Cité, & luy dirent, sauue ta vie, ne regarde point derriere toy. Adonc Loth requist sous la confiance qu'il auoit au Seigneur, qu'il luy fust permis se sauuer en Segor petite ville. L'Ange dist, Haste-toy donc ; car ie ne puis rien faire iusques à tant que tu sois paruenü là. Et Loth y paruint lors que le soleil se leuoit. Adonc le Seigneur fit pleuuoir du Ciel, sur Sodome & Gomorre, souffre, & feu, & subuertit icelle Cité & toute la plaine avec les habitans des villes, & le germe de la terre. Aussi la femme de Loth regarda derriere elle, & fut changée en statue de sel.

*Genese 19. Cap.*